

巢  
民  
詩  
集

巢民詩集卷五

雉皋冒襄辟疆著

七言律

喜周櫟園先生南還述敘四首

當年秉憲待澄清  
海雨江煙奏治平  
帳後生徒多庾鮑  
軍中音樂雜咸英  
安危命自關君相  
緩急公真是父兄  
百十萬家垂涕語  
月明還記亞夫營

此言

先生備兵維揚時事也

其二

極天烽火逼家鄉泣臥牛衣祇自傷詎有琴樽關  
盛世翻傳纁幣到茅堂表誇文舉書猶溼絲繡平  
原線每長獨愧衰遲虛剪拂十年岐路只相望  
直指姜公欲疏薦余先生又以地方真才特薦感知最厚也

其三

別後翻飛臥草萊冥鴻繒繳復相猜入秋擬作閒  
居賦垂老慚非入洛才瓜步濤寒魚怫鬱廣陵霜  
勁雁徘徊誰憐夫子南冠日余亦傷弓迥自哀  
生蒙難連年余亦憂生屢歲也

其四

隋堤風物報高秋驚喜重逢太子樓  
萬里生還人盡慶一燈客話我偏愁  
情淡阮籍終青眼事去侯芭漸白頭  
莫戀東山絲竹好廟堂雄略待公籌

言今

秋重遇先生  
于邗上也

中秋後一日壽馬五舅氏六十初度

狐瑞筵開當六十碧天晴色瀉南窗  
生平排解先生曾晚歲躬耕處士龐  
百歲杖鳩還過半中秋玉兔又成雙  
黃花白雁堪浮拍莫遣雄心老未降

其二

七旬老母堂前坐諸舅相看總白頭每爲兵戈勤  
慰藉共聯花萼好綢繆最難骨肉杯盈手如此乾  
坤月滿樓長賸海天元自濶捎雲玉樹况脩脩

贈施愚山學憲

仙郎彩筆歷羣公此日還觀大國風訪古每懷秦  
帝輦論文直到魯王宮百年華髮乾坤裏一曲陽  
春海岱東聞道講堂連日觀金泥玉管舊時雄

贈鄒訂士進士

茱萸灣畔蜀岡頭此地相逢共勝遊  
彩筆舊題鸚鵡賦錦袍新賜鳳凰裘  
六朝隔岸人吹笛一雁橫空客倚樓  
愧我故園淪落久不堪酬唱擬應劉

艷月樓蠟梅盛開與孝威其年輟耕諸子卽

席分韻

小樓縹緲倚深閨手種黃梅一樣齊  
天與檀心娛歲臘月來椒壁映東西  
卽花是蜜蜂俱化有色因香雪不逃折  
向曉妝臨玉鏡睂間額上費端倪

贈黃坤五太史

當年鳳闕早鳴珂  
銀燭朝衣晃御河  
詎料餘生悲玉馬  
却令拄笏看銅駝  
徐陵哀怨梁朝最  
班固文章漢室多  
莫謂武夷山水秀  
揚州烟月事如何

送陳階六黃門叅藩八閩

廿年同學復同裳  
我自塗泥君鳳凰  
此日滄洲驚節鉞  
多時驛路候餘皇  
人來北斗薇分紫  
星落南天荔正黃  
莫道炎荒爭負弩  
江樓吹笛暫飛觴

答贈李岷瞻司李

十年淪放無新友  
陟地揚州得見君  
高致滿懷生

氣韻曠才落筆卽烟雲青蓮苗裔皆仙品華嶽英  
靈擅鉅文車笠自茲成夙好千秋應不悵離羣

邗上望張螺浮黃門不至

不見海鹽張給事五年魂夢到金臺甫聞官舫離  
天上急棹扁舟傷水俚搔首津亭風物換驚心候  
吏信音猜廣陵濤色明如畫疑爾麻衣帶雪來

戴務旃無忝兄弟深冬過慰志感

衰遲貧賤孰相存特地過從感弟昆裂石片言銷  
薄俗凌冰千里聚寒門學從鐘鼎追無畫人在漁



樵並絕倫扶病共君勤折理真畱古道照乾坤

答寄吳采臣憲副

鳩鵲樓前侍從臣宮袍躍馬帝城春太行晴雪開  
軍府恒嶽丹霞隱畫輪寄遠重勞紅錦段懷人細  
寫白羅巾金門前席還相待早晚綸書達紫宸

送公儀弟廷試北上

酌酒離亭夜未闌送君此去向長安金臺春曉宮  
鶯囀漢苑花繁寶騎看三策雄才應召對五傳先  
代總鳴鑾雁行駿業雲霄上老我荷衣拂釣竿

寄吳梅村先生四首

當年盟會及江黃  
鞭弭曾經事末行  
四海珠槃紛絡繹  
三吳玉勒映輝光  
故人裘馬麒麟閣  
愁客鴛花翰墨場  
壯不如人臣自愧  
羨公簪筆賦長楊

其二

鹽官留滯歎蹉跎  
遺老飄零事若何  
萬里烽烟橫白雁  
五都荊棘沒銅駝  
遙瞻吳苑鄉關隔  
近接邗江涕淚多  
聞道子山消息在  
白頭紅豆只悲歌

其三

昨歲懸弧亂後身年逢五十歎逡巡蓬心自折秋  
風裏馬齒愁看滄海塵潘岳二毛原合老相如四  
壁肯辭貧高文特荷千秋筆華袞傳來爛似銀

其四

衰賤深慚禮節疎毛公恰喜到寒廬遂令研北三  
冬日又得婁東一紙書生幸同時艱會面君應憐  
我只離居兒曹負笈看來歲先向空江寄鯉魚

答別毛亦史卽次見投原韻并致梅村先生  
文章夙昔寸心知老去淪夷不展眉廿載蕭條同

墜葉半天風雨覆幾暮憑他吐棄甘雞肋與世浮  
沉號鹿皮特狂高賢勤訪問當年古誼尚如斯

其二

木榻孤眠眼倍醒問奇人到媿玄亭開械北斗瞻  
三象落筆雲雷探六丁拔地龍光看劒紫梢天王  
樹起葱菁蝸牛縮瑟悲生事誰道江皋處士星

其三

風波尺水湧瞿塘盡日忘機讀老莊破臘忽來金  
石句令人如握杜蘅香半氈可復羈神駿入室從

今得蔣房來歲同心欣有託一泓十畝卽三湘

其四

一紀魂生聚宿洲恒思辟穀擬畱侯心枯漫學嵇  
偕阮壻短難隨曹與劉水木自清聊遯跡園蔬間  
采乏嘉羞故人天上歸相問爲述張衡賦四愁

阮亭使君傳蔡三兄見余書屏倚索箋扇今  
夏尊大人按部特駐節荒園式廬之後繼  
以旌門乃以臥病不克在謝寄懷二首

尚書羽蓋靖淮天七萃車徒橫海年久識藩屏推

庾亮特臨蓬華進彭宣謬當垂顧真無極聞說還  
朝正黯然公子更能憐筆墨好憑尺素報僧虔

其二

元侯門第綺羅重食邑佇看大國封玉出藍田能  
射虎珠生青海本從龍覲親夜肅南樓月入直秋  
聞北闕鐘自是中朝褒鄂貴牙袍畫戟禁烟濃

水繪菴送方謙六之燕喜坦菴年伯伯母及  
諸世兄入關客夏小阮長文過我五旬今  
與謙六又共歲寒兩月病子支離之苦與

衰門詬諱之狀曾入見聞趨庭之暇當爲  
及之

茅堂兩月其悲歌送子辭家意若何萬里窮邊迎  
白髮五更獨客走黃河長途斥堠烽烟盛逼歲資  
裝雨雪多自是天涯懸老眼揚鞭速去莫蹉跎

其二

廣陵傳語到江津從此南歸信息真乍聽也應狂  
脫帽徐思轉歎淚沾巾三年骨肉愁中話百口關  
河夢裏人我亦憂傷無可語好憑萊彩寄艱辛

贈別吳子班四首

秦淮秋別繫遙心  
忽地蓬蒿紫氣臨  
千里寒江迴古雪  
八年清夢慰孤琴  
應徐辭賦供揮灑  
唐宋圖書恣討尋  
十日淹留行復返  
嚴冬霜色正蕭森

其二

三十年前典驪驪  
與君先子抗同行  
大文共壯風雲色  
浩氣常流日月光  
偷息荒原慚宿草  
漫勞高誼賦登堂  
溪燈夜語思疇昔  
勝事當年未渺茫

其三



餘生霜刃得沈冥七十貞榮護滿庭節義直教追  
范母慈祥應自毓庚星力田手獻西山菽誓墓重  
新一草亭有子如君真壁立好畱先業付丹青

其四

陽羨書生六載同今年奔走歎飄蓬到來良會成  
風約相聚寒廬總爨桐無事可爲聊潦倒莫言不  
遇逐西東願君別去磨冰雪記取千秋一寸衷

壽鄒訐士母太夫人

綺席高張響玉輪欣看設悅此靈辰羣仙繡嶺胎

紅雪中婦雕盤鱸紫鱗間內何人如壽母膝前右  
于是名臣遙知午夜談天口細說三洲下鳳麟

館羽步于溪翠數月昨復投詩次韻和答

玉簫吹徹擬仙遊擲拂逢君可自由煖老久虛懷  
玉夢惜春何事枕花愁英雄識透情無限俠女才  
高志未休莫羨鴛鴦賦黃鳥繙書同面百城樓

其二

假館繙書慙二遊傷人何必問行由奇情獨攬孤  
峯秀快論爭翻絕調愁梅寫蒼籐欺六出鳳彈綠

綺慰三休一層更上超凡塏與爾同登謝眺樓

癸卯季春望日余齒五十又三老友蔡孟昭

攜六如先生四十自壽詩畫涉江見存務

旃重臨長幅其年和唐韻爲祝余亦自壽

半百加三久病身時當穀雨未經旬新衫遣試先

愁薄舊友重過不厭貧東壁圖書添寶繪北堂護

草正長春幾年樂事惟今日聳骨猶能作健人

樂天

云老校于君年幾許今年半百又加三東坡云白髮蒼頭五十三宋人強遣試春衫東野云聳我殘

病骨健如

仙人

王西樵司勛典試中州便道省覲邗上時令  
第北山黃門典試南省阮亭使君復典武  
試子側提音適至一門盛事故并及之

鍾靈元自魯王宮峻譽巍峩泰嶽同家盛六朝承  
漢系名先諸第拜山公五千禹服雲霄上三百周  
官水鏡中出握明犀窮海藏日華賦裏識英雄

其二

鹿鳴歌罷祝堯羹令第官衙此暫停鼎養椿庭如  
北斗省闈雁序又南溟歐蘇盛事仍邗水桃李濃

陰上鯉庭況復主裁文武並金陵雪苑著丹青

王北山黃門省闈典試竣舟泊邗江貽詩見

存賦贈二首時有納姬之喜并申燕賀

木天鴻譽擢清班袖滿香烟近袞顏正色立朝隨  
玉輦掄才拜詔到鍾山賦成五色門墻麗帳擁三  
吳絲竹閒駐節從容欣識面紵衣投好在邗關

其二

邗水停橈十月時小星輝映理紅絲移來藻鏡看  
吹髻夢得芳毫學畫得筵敞人皆賡葛藟更深吾

獨咏熊羆座隅景仰慚兒子願附公門桃李枝

冬日邗上與盛珍示論文匝月一詩贈別

峻譽當年擅栢梁文壇樹幟久相望令師絳帳傳  
鴻寶兒子牛衣愧雁行一棹幸逢披素雪三冬相  
對擁縹緗曲江冠冕看來歲應有卿雲繞鳳凰

贈王元式珍示元式皆阮亭先生門下士阮  
亭命之與禾丹兩兒修世講之好

雲上丹梯折桂枝追隨壇坫愧吾兒三年雲外通  
遙夢十月霜前慰所思玉殿紅綾行賜餅隋宮黃

絹坐題詩相逢最喜兼師友帳敞扶風共酒卮

烈女詩爲王幼華進士幼妹賦

夏陽女子勝男兒樹節全身事亦奇豈畏金刀懸  
虎氣故從胥井葬蛾眉百年未遂紅絲願一代看  
垂黃絹碑遙望秦川三尺土不因青塚使人悲

湯宮若過訪贈別一首并懷尊公惕菴先生

寒風朔雪滿江村上客扁舟枉見存隋苑柳搖新  
白髮邗溝月照舊朱門纔逢洗馬驚雄辯但說鍾  
期有淚痕歸去好隨彭蠡雁爲言衰謝負師恩

和崇川守畢載積歸田元韻四首

畢誠繼躅返林樵前代烟霞屬大僚鐘鼎舊銘娛  
暇日薜蘿新服宴清宵五山碑碣孤雲杳萬里關  
河別雁遙况復北堂增壽域肯將護草易金貂

其二

谷口高風不受噓稜稜霜雪照君身夢迴官閣心  
無繫人到家山事始真循吏名傳馳十部歸田賦  
就冠羣倫東南民瘼需良牧未許齊州老逸民

其三



屏跡年來事默仙  
滄江堅臥老畬田  
時吟郊島逢烟客  
閒嗽瓊瑤有石泉  
如我孤蹤徒落落  
羨君腹笥最便便  
相思只憶南山句  
青鳥孤飛尚未還

其四

壯歲相看彩筆班  
扁舟歸去隔江關  
風寒驛樹人千里  
月照淮河路幾灣  
紅藥種來聊自適  
碧箔長就倩誰刪  
從今醉酒添愁劇  
極望孤雲是北山

答贈王西樵司勛卽步癸卯冬見懷原韻

昨歲秋風謁阮亭  
淒然對擁髻鈴聲  
寶鴻莫向城

頭過夜雨知從枕上聽仙吏歸時顏合老野人喜  
極滄偏零相期共貰中山酒千日何須一日醒

其二

風雪圍爐蕤芋魁喜傳芳訊自蓬萊經年急難惟  
賢第一紙淋漓見異才驚到鍛時吟更好桐當爨  
後調增哀也知鄧尉花如綺欲共清狂岸幘來

四集分咏水繪菴泛月得八庚

池上橋邊光蚤生畫船直入鏡中行紛紛白映涼  
于水澹澹青來烟有情時值炎蒸秋氣盛人同水

雪夜遊清曼歌徹底簫聲遠眠驚汀沙夢不成

六集和其年畱別原韻兼寄阮亭先生

有序

其年讀書水繪七載昨歲下第決計遊燕  
堅畱不得過邗江王阮亭先生適館數月  
力勸仍返東臬書來云幾竭蘇張之舌快  
聚月餘與學詩諸子屢日一倡和今仍從  
邗上暫歸陽羨因錄諸詩付其年寄阮亭  
評閱世交知己古雪白心如余三人正未  
易多得耳

燕雲回首一舟橫  
轉憶蕭齋罷遠征  
世外交談情不倦  
意中人到眼偏明  
風塵何處容書卷  
農圃相依見老成  
一月賭詩兼縱酒  
暫歸卽至在秋生

其二

王恭書至落銀河  
勸爾東來喜若何  
蓬榻重開仍數載  
邗江密邇更頻過  
鑒空毫髮冰壺澈  
吟動微茫水事多  
若到法曹煩大手  
爲言凝望莫蹉跎

八集戲贈小較書掄波

老我驚看秀色深  
麝羅衫袖映瑤簪  
慣逢仙李應

凌俗曾遇秋胡不見金學寫三湘香在手偷呼小  
字巧生心白門楊柳金圓月誰遣風流尚至今

中秋遊人觴泛水繪菴競載花燈烟火徹夜  
不散一詩紀勝

中秋恰值秋分節火樹燈船賽上元何處得來人  
意興最難都到我丘園夜珠顆顆迎明月烟水鱗  
鱗上碧軒達旦不休歇板徹百年曾對此芳尊

惺菴上人九日持亦史家書來促歸賦贈

重陽菊下正傳觴忽有孤僧到草堂爲寄倚闥書

悵望頓令遊子色蒼黃歸期屢易應飛渡假潤無  
多可束裝若見吳公溪感慟十年泉下發幽香

同王阮亭使君洗鉢池泛月

如海春光縱晚晴扁舟直繫五湖情夾溪漲合浮  
天鏡午夜詩成擲地聲顛水燈繁樓倒入過雲歌  
裊笛雙橫鉢池浩淼魚基曲誰復知從門內行

其二

酒闌詩罷更清遊共坐三吾萬境幽各踞巉巖窮  
夜色下臨孤嶼傲滄洲千林碧外紅燈隱一帶霜

明粉蝶收揮塵暢譚名理盡曉鐘聽打興仍道

送王阮亭先生以儀部內召四首

過江門第數諸王海岱雄風領八荒塵尾家隣華  
不注烏衣人是北中郎三槐榮戟顏如玉七葉貂  
蟬笏滿牀年少天高還建節賢聲赫奕播明光

其二

廉泉聞道是邗溝草長鶯啼綠含幽夜月書聲搖  
畫艇春晴吟屐響紅樓政成世始奇才子情重公  
偏問舊遊六載陪吳楊柳色依依今日爲人愁

其三

續奏循良詔使來仙曹粉署日邊開雲屯綵仗干  
官侍帝發金錢百道催主客風流新謁者辟雍興  
禮舊容臺絲綸世掌原堪羨況有甘泉應制才

其四

今春節使過山家列坐浯溪譙水涯恩到萬人思  
結草興來三月愛看花蘭亭事蹟杯堪泛寒食心  
情帽易斜垂老那能勝此別幾回清淚望京華

寄張螺浮黃門兼與話舊



一代威名重夕郎幾年榮戟侍明光  
禁鐘將動趨青鎖宮月初斜捧皂囊  
題柱翩翩仙吏事埋輪嶽嶽諫臣章  
况聞博物張安世指日宣麻下柏梁

其二

當時避地在鹽官倦鳥南飛惜羽翰  
世亂始憐知己重家貧方識故人難  
屢年頻寄徐陵札一別偏深范叔寒  
好倩瑯琊王禮部爲傳衰謝到長安

答寄鄭次巖侍御

西風昨夜到蕪城愁聽橋頭玉笛聲  
忽憶鄭莊方

結綬此時諫草最馳名  
遇當盤錯才偏見  
德洽閭閻感倍生  
憶看監門圖一卷  
臨岐老淚漫縱橫

其二

兩年兩度廣陵遊  
淶水紅橋映白頭  
舟過影園增感歎  
人來隋苑惜風流  
嚴君老鳳偏宜晚  
令子霜鵬早趁秋  
最是繡衣忠讜日  
飛書屢屢到滄洲

贈王自牧

悲歌擊筑見生平  
越嶠吳山識姓名  
述祖陸機詩  
早擅登樓王粲賦  
先成檀牙夜拍紅蓮幕  
錦瑟秋

眠綠柳成門第瑯琊誰不羨相逢肝膽爲君傾

壽學士方坦菴年伯七十

有引

乙巳四月二日爲年伯七袞初度是日節  
敘清和光陰婉婉蘭亭之彥過絳縣以稱  
觴竹林之人望青丘而介酒甕以猶子欣  
茲盛事揮毫而歌召壽樂翰以敘心期時  
則杜陵野老方爲射雉之遊陽羨書生久  
作登龍之客乘羊小季亦思獻賦以酬知  
題鳳家兒妄冀摘詞以頌德共爲一軸用

祝千秋

戟門班劔倍從容  
詔領鷄行品秩崇  
篋裏秘書皆  
篆蚪膝前令子盡  
夔龍官廚每給都  
堂饌法曲曾  
聽禁苑鐘酌斗重  
論先子舊春秋兩  
捷得相從

其二

永嘉建業事如何  
二老相攜采芰荷  
花發鹽官歸  
雁少烟迷湘水夜  
猿多江清畫舫連  
檣渡頭白銅  
仙信手摩回首倉  
皇南下日雨家百  
口任風波

其三

碣石黃雲莽不收  
去年繪繳實堪憂  
老聃已出函關谷  
鄒衍能談大九州  
萬里虞羅猜玉粒  
一天冰雪阻金溝  
文孫令子來寒舍  
剪燭曾經話四愁

其四

金雞初下九天間  
盡室南歸住碧雲  
夜月蒼崖披鶴氅  
春衫匹練寫鵝羣  
詠諧遊戲東方朔  
絲竹壺觴王右軍  
白是朝端思碩德  
詎容滄海謝塵氛

乙巳五日喜雨茶村兄同亦史孟昭遷十千  
徑山清孺子文虎共飲茅堂時小季無譽

禾丹兩兒在侍卽席分得陽字

楚客高吟滿座香  
况逢時雨宴端陽  
鼎彝碧重看蒲溼  
花鳥愁淡得句長  
瓷列成宜闌一代  
人如屈宋弔三湘  
酒酣共展蘭亭圖  
十紙淋漓果擅塲

巧夕同人雜沓菜灣送阮亭北上夜歸有感  
新秋十里送人行  
斜月邗江夜入城  
拙性未諳逢巧節  
陳人何意附新名  
射湖屋浪魚龍戲  
隋苑窗絲兒女情  
老母畫樓呼小婦  
應憐遊子計歸程

卽席贈文蓀較書和黃九烟原韻

羣玉山頭碧樹秋人如弄玉擅青謳過雲善發伊  
涼調泛海疑從星漢流一笑破城空北里十年畱  
夢是南州憐余沈瘦支離甚情盡情生總是愁

寄沈韓倬太史

何處蒼茫八咏樓吳天雲樹隔汀洲魚書昨歲傳  
佳札螢苑多年歇舊遊班管料君饒著作金間自  
古擅風流那堪花落江城裏獨對殘春動別愁

寄周靜香憲副

江上東風拂柳綿相思獨坐思悠然青齊檠戟雄

諸鎮白社風流剩此賢  
遠道未投青玉案  
故人好放木蘭船  
三分明月依稀在  
憶別周郎又十年

丙午午日同老友孟昭集田夫振兮遷于孺  
子山濤文虎脩遠諸子  
磨石上人于寒廬

重和客歲分韻

昨歲端陽如昨日  
重開清讌又端陽  
杜陵驥子重

酬唱

昨歲茶村兄首倡  
今歲田夫恰至

支遁才峯各擅長

睿公  
工詩滿

插朱花明老眼橫  
陳石榻畫簫湘  
最憐解纜猶衣

絮病著斑斕舞萬場



午日席上懷其年

八載芳辰文酒同  
兩年惆悵隔天中  
乍違偏覺村居遠  
頻去應知吾道窮  
我欲無言神悄悄  
君應不飲醉濛濛  
何時獻納麒麟殿  
白壁黃金錦繡叢

送

還吳門兼懷善珠  
青城澹菴龍仙諸

世講

每述久從四先生  
遊以書先

來水繪者青城龍  
僊也故并及之

恐耽騷雅誤閒身  
筆墨安禪轉法輪  
金石獨摹真漢篆  
烟雲偏畫冷元人  
貧交澹世稱三絕  
小憩荒

鬪已七旬暫別那能勝繫戀自今來往直須頻

其二

藕花洲畔採香蘅八詠樓中面百城昨歲過余思  
小范廿年難遇憶莊生四君知與同禪悅一別應  
能展舊情老我咯然遺萬有鉢池烟水亦虛名

斂策同

見過因悉與故友最密凄然言

別情見乎辭

共攜經卷趲江帆倚蓋相畱迥不凡詩瘦佛應叅  
賈島神清人合住靈巖舊遊細數傷亾友遺研猶

能秘枕函別去孤征何日返送君老淚溼長鑣

送程文生

客裏重逢躡屐勤世交舊誼久紛紜飄萍最喜浮蹤合折柳還驚別路分水繞蘆溝多斷嶺天連督亢半斜曛賢兄相晤傳傾慕四十年來共紀羣

其二

燕關秋柳拂征車臨別貽君尺素書薊北月明飛雁夕淮南露冷桂花初夢回天上青雲早愁掩蓬門白髮疎我有弱男遊帝里煩君早晚結相於

送大司寇芝麓先生還朝時新膺中樞之命  
津鼓牙檣百道催金飈白雁夾江來浪喧錦纜連  
天動風急樓門傍日開司寇一官操八柄尚書獨  
坐領中台漢廷前席淡相待莫向南雲首重回

其二

廿載威稜警百僚新聞寵命下層霄帳前都護秋  
盤馬隊裏期門夜射鵬文彩過江徐僕射軍聲出  
塞霍嫖姚元戎司馬看殊錫指日黃扉翊聖朝

其三

舊遊邦水石頭城錦瑟紅牙到處清一別岐途長  
躑躅廿年愁緒倍縱橫桓伊笛裏秋先到庾亮樓  
中月正明多少檠茶難盡說願將尊酒緩王程

其四

飛書令子每相聞蕪苑懷人悵暮雲漢代公卿原  
累葉王門子弟自超羣鸞吟迢遞真無偶犀角麟  
峒只屬君共羨元成家學在金臺早晚薦雄文

原缺

寄贈曾庭聞孝廉庭聞舊黃門二濂先生令子也

清剛先子少虛諛獨頌尊公是大儒曾挹冰霜嚴  
指視恒于幽獨凜型模數千里外頻追憶三十年  
來歎絕無何意共君譚往事先裁書扎到姑蘇

其二

春來沉痛不堪聞劉竣還家說遇君絕塞依人翻  
入月中原結客勝如雲詩窮漢魏追風雅文逼周  
秦溯典墳愁極借君書細讀燈香徹夜共氤氲

其三

當年吳越總爲家  
兩紀歸林逐暮鴉  
舊會珠槃眞是夢  
頻年杯影亂如蛇  
虛名負實應逢謫  
反德爲仇更可嗟  
衰老過江知己在  
獨看天半有朱霞

其四

山名懸雷且畱行

古有棄家長往五嶽者以母老姑止懸雷山余十六年前荒園

築山名

十六年來并廢耕  
人外孤虛遺萬有意中

銷盡屢庚生蝸廬  
亦有憑空闢土室  
從教合力傾今日  
見君何所事  
八旬老母畏深驚



鄭士介招同許力臣師六登飲新閣

凭空傑閣白雲遒忽枉佳招到上頭窗拓四虛香  
化雪山橫淺黛碧千秋閒從勝侶聞清嘯喜有文  
孫紹遠謀况共渭陽評月旦藉君百尺散千憂

贈姜奉世

曾與尊公訂久要滄桑岐路各蓬飄蘭生幽谷香  
能遠玉出藍田璞不珣手把父書恒閉戶家畱吳  
市學吹簫十年惆悵思亾友見爾應令百感消

過潯關訪周嶼沙儀部

一代高文屬大家當時譽起赤城霞  
古燈光裏續元會宮體聲中鬪麗華  
人去碧雲迷月影情深白髮夢天涯  
追隨三十年前事枯樹愁心啄落花

吳門遇許琴公吏部

廿七年前曾驥附師門同遇獨途窮  
一時名雋皆鴻寶半世迂疎愧轉蓬  
月旦高標澄水鏡天官峻譽屬山公  
衰遲瓠落兒曹在垂顧應令毛羽豐

戊申仲春重過錫山三憶詩

憶壬午春與亾姬董小宛歡飲錫山下

蕉葉從來酒不勝與卿沾飲興飛騰黃金叵羅酌  
不醉白玉玲瓏鬆可憎滑翠鴟鬟愁墮馬咒桃人  
面喜初絢九龍如昔二泉在往事翻疑得未曾

憶壬午春亾姬堅欲歸余時五木在几禱神  
後一擲得全六卽用全六詩爲首句

三十六宮都是春美人深拜問良姻斬新一擲成  
拋散絕色全身有鬼神鵲夢夜殘空宛轉葯房春  
杳憶橫陳天荒地老歌長恨好懺應爲再世因

憶乙酉冬至後蒙難庚生履險還里時亾姬

侍藥舟中重泊錫山下

蒙難鹽官歿復回錫山夜泊聽驚雷此時弱線迴  
生意愁對傾城撥冷灰賴有至情扶藥裹絕無高  
興酌金罍九年一日千秋怨腸斷衰殘抱痛來

寄懷嚴髻珠并訊宋本杜詩

一別俄驚廿五年半塘蘭雪擁華筵身同敗籜秋  
風後人是遺黎天寶前出世久叅黃檗偈庚生惟  
結石頭緣杜陵秘本傳灰劫曾與仍畱憶宋箋

癸未夏髻珠以文太史手闕宋板杜詩相贈  
夫人惜爲奩中家珍復索去至今極不能忘

挽石夏宗四首

十載書聲隔院同成童文學步尊公

尊先生設帳南鄰夏宗幼

與余書牕僅隔一壁

爾時早慧稱王勃老去安貧類石洪手

挽澆風扶大雅力崇古典豁羣蒙未周甲子身先  
喪哭殺西鄰閉戶翁

其二

未遂風雲入壯懷

風雲入壯懷乃昌黎送石處士洪詩

窮年鐫戶擬

心齋婁東正學傳來遠

師事吾友趙我完先輩

斗北高名照

已埋繪事董源畱絕筆法書曾國折金釵昨宵雪

月啣杯看信宿傷心別草蹊

其三

廿年二子附門牆  
翬翼瑠鍤不可量  
器重肯教求  
早達玉成恒命學  
溫良勉旃大業隨  
三鳳繼述奇  
文冠一庠風義獨存師友失  
千行老淚薦俶漿

其四

屢歲無風捲白波  
惟君正色出烟蘿  
義聲直發春  
秋間鐵筆能令金石磨  
如此古狂關世道  
竟因沉醉逝江河  
詩文百卷入千古  
蛄螻餘生較孰多

龔和何雍南見贈原韻

閉門深雪怨春風，忽枉縹緲下遠鴻。  
平叔清譚應不減，邵公史學孰能同。  
總持大業才何鉅，拂拭幽光誼獨隆。  
老我數年蒙溷穢，硯田荒蕪愧年豐。

龔和程千一見贈原韻

敢謂人間萬事非，浮名數載總銷歸。  
久知不識雄

文戰更向伊川晰，理微千古並馳蘭渚譽。

雙鸞戲蘭渚皆

同雍南

六旬獨着舞斑衣，慚無敝帚堪搜索。  
欲倩金

焦選釣磯

雍南千一初春專人渡江索荒文選入十二大家余焚研久矣愧非其儔也

王成公與丹兒有贈答和韻詩頗深契合兩  
人沾沾入雒知遇復不介以孚成公爲吾  
臯人尊公行一先生占籍金陵夙交稱善  
成公譽馳南北而今始一歸桑梓之光也  
仍用丹兒韻賦贈三首

蕭颯西風愴舊京半生殘業付愁城水枯石爛銷  
前夢簾老松摧竄夙名轉憶昔遊傾北海何妨捨  
此至南荆一聲雛鳳清霄漢同里英雄異地生

其二



逸氣橫空蔚鳳毛吾鄉才子並西豪馳聲黃閣收  
龍駿結客青春購寶刀自是清流魁黨部敢云標  
格儼兒曹酒酣數詢當年事五嶽胸中起鬱陶

其三

兒曹昨歲尚京畿樞輔交畱啓北扉

謂合肥栢鄉  
兩先生也

天上故人憐驥子日邊峻譽說烏衣到來氣壓三  
江動老去神傷萬事非賴有針磁共相引十旬傾  
倒莫言歸

壽法章叔八十

籌添八十與仙儔茗椀爐香花木幽繩祖壽供諸

大父

先高祖雙橋公大壽九十三歲寰叔祖公九十二叔祖爲高祖第十孫叔又爲叔祖嫡姪

宜家德共五湖秋

叔母與叔齊翁

帖臨鍾傅精宣示訣授

雲房秘討搜白鹿青牛雙馭好兒孫何用紹箕裘

法章叔無子且僦居甚隘壽日邀老友及族

尊者過寒廬開筵稱祝卽席再成一首

已酉六月十一日竹林八十映雙星考鐘伐鼓晉

康爵奉叔偕母來家庭薄俗寒喧堪一笑浮生家

業付飄萍北堂老母呼兒子共指雲霞上彩屏

巢民詩集卷六

雉皋冒襄辟疆著

五七言絕句

甲辰閏六月望前一日扶病洗鉢池泛月

有引

刻文  
內

前月月明滅今月月皎潔月似與人違人愛月如雪

其二

肺弱宜清只腰瘦妙輕欹兒扶上輕櫪水月是吾

師

其三

天水碧琉璃弄月孤舟坐素心  
三四人先已蒼苔臥

其四

南垞森極浦北澗極汾澗  
吾溪兼王孟得月便千回

其五

花亞名姝色瓷生古佛香  
微風拂清漪深夜見文

章

其六

此地無聞見音節每多讹  
自從儂顧曲下里競笙歌

其七

笙歌遙起止况復舟參差  
微茫島嶼中魚鳥咸相嬉

其八

烟語尋幽澍喧生舟四鄰皎皎鷺飛去  
明明離俗

人

其九

不復知月情徒來增水濁我惟淡憫憐無能生汝  
覺

其十

月是千古月才非千古才把杯問明月誰許獨登  
臺

江南曲二首

我昔遊江南江南墜烟玉我今遊江南不見江南

綠

其二

山色與波光不見江南好  
惆悵昔年情但覺蒼天  
老

七言絕句

丁酉秋病臥秦淮旅館得芝麓先生前夕同  
飲姜綺季河亭和顛叟壁間春日四絕依  
韻述懷

不采芙蓉畏涉江因君特地買孤艖酒雄詩健無  
朝夕忘却秋風到紙窗

其二

多病頻年藥裹餘長安愁絕故人書卽今小極虛  
良約歸去惟應伴木魚



其三

談讌經旬入畫谿浮雲無夢繫羈悽龍魚此夕分

秋水不爲兒曹乞照犀

是夜南  
閣放榜

其四

小閣前朝尚瘦狂扶歸懶慢臥匡牀遙聞新館羣  
賢集寂寞今宵獨沈郎

走筆友沂借鶴

曾遊黃鶴下湘烟孤嶼暮成水繪篇入望蒹葭幽  
思渺夢回警露一聲圓

其二

不跨揚州竟二年止緣密友去幽燕雲軒二客堪  
玄對欲遣虛籠倩雪妍

聞諸友出西郊余病不能往便簡郊居主人  
五月寒生草閣知巴山夜雨話離離無端瘦盡東  
陽沈伏枕空吟何遜詩

其二

客歲奇文雄北館今年藻韻振西村吟成五字應  
無敵恐有便師出北門

阮亭先生批閱禾丹兩兒詩卷後以四絕寄

懷步韻奉酬

螢苑邗溝併是春青絲十丈麴爲塵年年斜拂成  
何事催得文通作恨人

其二

梁朝愁客庾肩吾舊日臺城在眼無一幅林亭元  
有意待公車騎到樵湖

其三

謝客清新本是奇愚溪文筆不須疑磨崖更欲成

三絕再刻王濛秋柳詩

其四

白塵青箱便不同  
翩翩獨步冠江東  
却慚王霸諸  
兒子也學秋蟬咽晚風

題美人畫冊應阮亭使君

半掩香闥靜不譁  
一枝瘦影只橫斜  
凝眸忽漫關  
情思生小猶兒睡落花

其二

半似愁中半夢中  
行來偏愛下裳紅  
章臺白馬知

巢民詩集

七言絕句

卷六 辛丑

何限自鎖重門信不通

其三

露華濯濯不勝寒  
白鶴青桐伴曲欄  
底事雲翹頻眺望  
碧天秋思太無端

其四

拂地垂楊黛色凝  
瑣窗春思溼紅冰  
流鶯兩兩空言語  
小着羅衣總不勝

題畫冊應周櫟園先生

鐵綆懸崖瘦石橫  
夔門天險入雲行  
蒼蒼老樹無

人識杜宇時啼一兩聲

其二

客窗十月雁聲頻  
小閣焚香拂硯塵  
誰向生綃添  
个个蕭然疑是管夫人

劉君載菊訪友余以病不克覩其勝伏枕二絕并訂秋尋

劉生種菊元丹訣  
載自延陵一丈高  
聞說傲霜霜復損  
英華憔悴似吾曹

其二

爭羨奇花簇近鄰  
下堂十步亦逡巡  
明秋直造東籬畔  
雲布星羅就菊人

季希韓客中初度走筆三絕

子房譽擅荀文若  
輔相才稱王侍中  
豈是君家嫌

蚤達故耽詩酒傲墻東

荀王之遇魏武宋武咸以二十九又王僧虔亦以二

十九爲侍中  
自嫌蚤達

其二

絕代文章信有神  
客中初度聚嘉賓  
杜陵蔣徑兼

黃石此外何人是鳳麟

時于皇前民緯  
之譚詩最合

其三

遊踪風約到殊方一此能令石化羊薄俗難諧僊

路近共君瀛海泛霞觴

于皇壽希韓有殊方伏異才之句傷下邑環薄惟希

韓能伏之希韓又戲語曹滯傲邑如蘇卿之在異域舉目惟見羣羊耳于皇曰見牛未見羊故及之

余默菴久約看菊昨以詩招飲余頽病不能

赴然榻傍對分贈紅白二種無朝昏也枕

上寄四絕兼呈劉文若及令弟公佑

看花曾約重陽後陡地沈疴我未痊今日諸公須  
痛飲人生容易到花前



其二

紅是唐宮不肯紅  
白于白玉玉玲瓏  
茅齋病對雙秋色  
午夜燈前欲下鴻

其三

默菴髯叟詩興豪  
持螯對菊青天高  
貽我二詩真秀絕  
吟成宜得赤霜袍

其四

校書天祿延劉向  
春草池塘速惠連  
飛觥擊鉢紅燈下  
應念維摩有病禪

偶成八絕句

十載前曾解佩珩詩裁雲錦畫香蘅無端遂使參  
辰見惆悵紅絲繫五情

其二

數年寥落不勝秋遙望江南星漢流只道交君新  
得偶那知琴上湧吳鉤

其三

絳仙才調歎無緣羽客飛來亦是仙細膩風光微  
未解篆烟花影悵經年

其四

聞道前冬已出關  
春來璧合與珠還  
迎仙閣上遲環佩  
雨載勞勞髡欲班

其五

蹉跎好景惜繁華  
辜負春風髡影斜  
手把丁香懷百結  
忽然秋老發萌芽

其六

九日扁舟到草萊  
詩箋字字是珠胎  
喜心倒極翻愁絕  
只恐春來又不來

其七

藕老絲長能縛地  
柳淡絮起欲粘天  
果能解脫餐  
松實人外香光有妙禪

其八

雁書已到無勞怨  
鳩計雖窮不用愁  
但願君身如  
滿月絲毫無缺照邢溝

偶成二絕

庭前欲種相思樹  
意蕊心珠久寂寥  
今夜菖蒲花  
盡發是何情性起根苗

其二

十年無夢到溫柔  
爾抱衾裯亦數秋  
疑是雙成憐小小  
特于枕上贈綢繆

房輿公催妝詩五首

采采芙蓉秋水濤  
佳人解珮意何淡  
真真自住真江上  
容易心通綠綺琴

其二

紅香奇艷鎖窗紗  
影裏新妝似淺霞  
特地傍花開寶鏡  
問郎應否說如花

其三

黃庭書就只焚香  
裊裊簫聲小院涼  
仔細簾前翻水調  
春風習習透羅裳

其四

倦來茶後展楸枰  
竹戶風傳落子聲  
却把新思追舊譜  
慢停纖手費經營

其五

宜男草色上深屏  
小鳥驚啼午夢醒  
最愛櫻桃能結子  
起來枝上護金鈴

夜遊曲同王阮亭先生泛月水繪菴分韻

畫檻烟淡六曲迴夜光簇浪有船開數聲水調笙  
歌徹無數明珠湧月來

與其年諸君觀劇各成四絕句

冰絲新颺鵝羅裳一曲開筵又舉觴會唱陽關灑  
西淚并州東返當還鄉

其二

最無消息是清音竹肉喧闐未易尋唱到情來生  
意思一絲裊裊碧雲心

原缺



兩年不過水繪菴丁未秋獨步枕烟亭二絕  
二十年來獨掩扉滿庭秋草化薔薇履霜盡日行  
荆棘不礙閒情與逕肥

其二

虛名四海悞閒身半世求全徇德鄰詬辱後場銷  
毀盡如今隨處是天真

碧落廬邊看菊十日成四絕句

孤情一往趁寒鴉偶踏東籬見菊花多少媚春銷  
夏色曾畱一片鬪秋華

其二

雨載支離十畝荒  
鉢池清淺亦滄桑  
那知衰柳殘桐後  
白玉黃金擁赤霜

其三

晨颺微動秋江錦  
午旭全融紫液金  
最是拒霜能逞色  
一林高致愜幽尋

其四

因樹爲臺俯菊叢  
秋心渺渺寄飛鴻  
誰憐秋士傷秋意  
卽在繁華極目中

辛丑晚春久雨初霽攜小姬湘逸看畫堤桃  
花閉門湘中小閣山濤過訪不值有四絕  
句戲爲和答并付湘逸

積雨連天損艷陽桃花千樹退紅香重門深掩留  
春色惟許閒雲度短牆

其二

林垌深杳恣聊浪小霽偎紅露籠光凝態若雲誰  
得見畫堤飛起兩鴛鴦

其三

小閣湘中雲水鄉有人如玉共文房三吾昔日應  
無此贏得幽情惱漫郎

其四

鐫戶纔知春晝長殷勤羅袖拂花黃睂言眼語真  
奇秀始信人間別有香